

四書經注集證

論語卷之二

朱熹集註

八佾第三

凡二十六章通前篇末二章皆論禮樂之事

孔子謂季氏八佾舞於庭是可忍也孰不可忍也

佾音逸

季氏魯大夫季孫氏也

馬融曰季氏桓子也邢疏經但云季氏知是桓子者以與孔子同時親見其事而譏之家語季桓子將祭齋三日而二日鐘鼓之音不絕孔子嘗譏之則桓子之僭用禮樂亦非一日矣

佾舞列也天子八諸侯六大夫四士二每佾人數如其佾數或曰每佾八人未詳孰是

左傳隱公五年九月考仲子之官將萬焉公問羽數於衆仲對曰天子用八諸侯用六大夫四士二夫舞所以節八音而行八風故自八以下公從之于是初獻六羽始用六佾也白虎通禮樂篇八佾者何謂也佾者列也以八人爲行諸公六

六爲行諸侯四四爲行按杜預何休皆曰天子八八六十
四人諸侯六六六三十六人大夫四四四十六人士二二二
四人集註前一說主此沈約宋書樂志杜預注左傳佾舞云
諸侯六六三十六人常以爲非夫舞者所以節八音者也入
音克諧然後成樂故必以八爲例自天子至士止餘四人豈
兩者減其二列耳預以爲一列又減二人至士止餘四人豈
復成樂按服虔注傳云天子八八諸侯六八大夫四八士二
八其義甚允集註或曰指此山海經帝后八子始爲舞呂氏
春秋陶唐氏之始陰多滯伏人氣擁淤故爲作舞以宣導之
蔡邕月令章句舞者樂之容也有俯仰張翕行綴長短之制
禮樂記其治民勞者其舞行綴遠其治民逸者其舞行綴短
故觀其舞知其德周禮春官樂師教國子小舞凡舞有帔舞
有羽舞有皇舞有旄舞有千舞有人舞教樂儀行以肆夏趨
以采齊地官舞師掌教兵舞帥而舞山川之祭祀教帔舞帥
而舞社稷之祭祀教羽舞帥而舞四方之祭祀教皇舞帥而
舞旱暵之事凡野舞則皆教之凡小祭祀則不興舞論語類
考呂祖謙云萬者文武二舞之總名千舞武舞之別名雋舞
文舞之別名文舞又謂之羽舞鄭衆注舞師云社稷以帔宗
廟以羽四方以皇辟雍以旄兵事以千星辰以人鄭元云四
方以羽宗廟以人山川以千旱暵以皇二說不同然舞于季
氏之庭者或用羽舞耳考仲子之宮惟問羽數是知祭廟以
羽也玉海堂下至門謂之庭左傳昭公二十五年將禘於襄

公萬者二人其衆萬於季氏臧孫曰此之謂不能庸先君之廟按林堯叟註以爲季氏舞八佾恐卽指此事

季氏以大夫而僭用天子之禮樂孔子言其此事尙忍爲之則何事不可忍爲或曰忍容忍也蓋深疾之之辭

范氏曰樂舞之數自上而下降殺以兩而已故兩之間不可以毫髮僭差也孔子爲政先正禮樂則季氏之罪不容誅矣謝氏曰君子於其所不當爲不敢須臾處不忍故也而季氏忍此矣則雖弑父與君亦何所憚而不爲乎

三家者以雍徹子曰相維辟公天子穆穆奚取於三家之堂

徹直列反相去聲

三家魯大夫孟孫叔孫季孫之家也

邢疏三孫同是魯桓公之後桓公適子莊公爲君庶子公子慶父公子叔牙公子季友仲孫是慶父之後叔孫是叔牙之

後季孫是季友之後其後子孫皆以其仲叔季爲氏故有此氏並是桓公子孫故俱稱孫也至仲孫氏後世改仲曰孟孟者庶長之稱

雍周頌篇名徹祭畢而收其俎也

〔小序〕離禘太祖也〔朱子集註〕此武王祭文王之詩周禮樂師及徹率學士而歌徹〔鄭元註〕徹者歌雍賈公彥疏樂師及徹祭器之時帥學士而歌徹但學士主舞瞽人主歌及徹之時歌舞俱在帥學士使之舞瞽人使之歌雍詩也其徹者則主宰君婦兩魯用天子禮樂以雍徹三家因而僭之三家皆桓公後自立桓廟祭用天子禮樂而以雍徹也〔儀禮有司徹註〕徹其堂中之饋及祝佐食之俎

天子宗廟之祭則歌雍以徹是時三家僭而用之相助也辟公諸侯也穆穆深遠之意天子之容也此雍詩之詞孔子引之言三家之堂非有此事亦何取於此義而歌之乎譏其無知妄作以取僭竊之罪

禮器天子之堂九尺諸侯七尺大夫五尺士三尺尚書大傳天子堂高九雉諸侯七雉子男五雉按禮器以階言階以一尺爲一級大傳以屋宇言雉長三丈

程子曰周公之功固大矣皆臣子之分所當爲魯安得獨用天子禮樂哉成王之賜伯禽之受皆非也

史記周本紀武王崩太子誦立是爲成王成王少周初定天下周公恐諸侯畔乃攝行政當國晉唐叔得嘉禾獻之成王成王以歸周公行行政七年成王長周公反政北面就羣臣之位成王在豐使召公復營洛邑如武王之意周公復卜中視卒營築居九鼎焉作召誥洛誥成王既遷殷遺民周公以上命告作多士無佚召公爲保周公爲師東伐淮夷殘奄遷其君薄姑成王自奄歸在宗周作多方既紂殷命襲淮夷歸在豐作周官典正禮樂制度于是改而民和睦頌聲興成王既伐東夷息慎來賀王賜榮伯作賄息慎之命成王將崩懼太子釗之不任乃命畢公召公率諸侯以相太子而立之成王既崩二公率諸侯以太子釗見於先王廟申告以文王武王所以爲王業之不易務在節儉無多欲以篤信臨之作顧命餘詳既灌章伯禽詳謂魯公章

其因襲之弊遂使季氏僭八佾三家僭雍徹故仲尼譏之

子曰人而不仁如禮何人而不仁如樂何

禮禮運夫禮必本於太一分而為天地轉而為陰陽變而為四時列而為鬼神其降曰命其官於天也夫禮必本於天動而之地列而為事變而從時協於分藝其居人也曰養其行之以貨力辭讓飲食冠昏喪祭射御朝聘此專言禮樂記凡音之起由人心生也人心之動物使之然也感於物而動故形於聲聲相應故生變變成方謂之音比音而樂之及干戚羽毛謂之樂樂者音之所由生也其本在人心之感於物也是故其哀心感者其聲唯以殺其樂心感者其聲嗶以緩其喜心感者其聲直以廉其愛心感者其聲和以柔六者非性也感於物而後動此專言樂禮器禮也者反其所自生樂也者樂其所自成先王之制禮也以節事修樂以道志故觀其禮樂而治亂可知也郊特牲樂由陽來者也禮由陰作者也樂記樂由中出禮自外作樂由中出故靜禮自外作故文大樂必易大禮必簡樂至則無怨禮至則不爭此讓而治天下者禮樂之謂也又大樂與天地同和大禮與天地同節和故百物不失節故祀天祭地明則有禮樂幽則有鬼神如此則四海之內合敬同愛矣禮者殊事合敬者也樂者異文合愛者也又鐘鼓管磬羽籥干戚樂之器也屈伸俯仰綴兆

舒疾樂之文也。簠簋俎豆，制度文章，禮之器也。升降上下，周旋
裼襲，禮之文也。故知禮樂之情者，能作；識禮樂之文者，能述。作
者，謂聖述者，謂明。明聖者，述作之謂也。又樂者，天地之和
也。禮者，天地之序也。和故百物皆化，序故羣物皆別。樂由天作，
禮以地制。過制則亂，過作則暴。明於天地，然後能興禮樂也。又
天高地下，萬物散殊，而禮制行矣。流而不息，合同而化，而樂興
焉。春作夏長，仁也；秋歛冬藏，義也。仁近於樂，義近於禮。樂者，敦
和率神而從天；禮者，別宜居鬼而從地。故聖人作樂以應天制
禮以配地，禮樂明備，天地官矣。又樂也者，施也；禮也者，報也。樂
樂其所自生，禮反其所自始。樂章德，禮報情，反始也。又樂也者，
情之不可變者也；禮也者，理之不可易者也。樂統同，禮辨異。禮
樂之說，管乎人情矣。窮本知變，樂之情也；著誠去偽，禮之經也。
禮樂，頌天地之情達神明之德，降興上下之神而凝是精粗之
體，領父子君臣之節，又樂者，非謂黃鐘大呂弦歌干揚也。樂之
末節也，故童者舞之。鋪筵席，陳尊俎，列籩豆以升降為禮者，禮
之末節也，故有司掌之。是故德成而上，藝成而下，行成而先，事
成而後。是故先王有上有下，有先有後，然後可以制於天下。
也。又樂也者，動於內者也；禮也者，動於外者也。樂極和，禮極順，
內和而外順，則民瞻其顏色而弗與爭也。望其容貌而不生易
慢焉。又禮主其減，樂主其盈。禮減而進，以進為文；樂盈而反，以
反為文。故禮有報而樂有反。禮得其報則樂，樂得其反則安。禮
之報樂之反其義一也。仲尼燕居，禮也者，理也；樂也者，節也。君

子無理不動無節不作又孔子謂子張曰師爾以爲必鋪几筵升降酌獻酬酢然後謂之禮乎爾以爲必行綴兆興羽籥作鐘鼓然後謂之樂乎言而履之禮也行而樂之樂也此令言禮樂

游氏曰人而不仁則人心亡矣其如禮樂何哉言雖欲用之而禮樂不爲之用也

程子曰仁者天下之正理失正理則無序而不和李氏曰禮樂待人而後行苟非其人則雖玉帛交錯鐘鼓鏗鏘亦將如之何哉

四書考信宋李郁字光祖昭武人少從楊時學時妻以女紹興初嘗被召入對便殿既還家築室西山學者號曰西山先生其卒也朱文公誌其墓

然記者序此於八佾雍徹之後疑其爲僭禮樂者發也

林放問禮之本

林放詳第
子考魯人見世之爲禮者專事繁文而疑其本之不在是

也故以爲問

子曰大哉問

孔子以時方逐末而放獨有志於本故大其問蓋得其本則禮之全體無不在其中矣

禮與其奢也寧儉喪與其易也寧戚

易去聲

易治也孟子曰易其田疇在喪禮則節文習熟而無哀痛慘怛之實者也戚則一於哀而文不足耳禮貴得中奢易則過於文儉戚則不及而質二者皆未合禮然凡物之理必先有質而後有文則質乃禮之本也

范氏曰夫祭與其敬不足而禮有餘也不若禮不足而敬有餘

也喪與其哀不足而禮有餘也不若禮不足而哀有餘也

〔禮檀弓〕子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也

禮失之奢喪失之易皆不能反本而隨其末故也禮奢而備不若儉而不備之愈也喪易而文不若戚而不文之愈也儉者物之質戚者心之誠故爲禮之本楊氏曰禮始諸飲食故汗尊而抔飲

〔禮禮運〕夫禮之初始諸飲食其燔黍捭豚汙尊掘地爲坎以盛水而抔飲以手掬飲黃梓而土鼓猶若可以致其敬於鬼神

爲之簠簋

見賜也何如章

籩豆

見孟敬子章

罍爵之飾所以文之也則其本

儉而已

〔毛詩說〕罍酒器郭璞曰形似壺大者受一斛畫為雲雷之象
〔說文〕爵禮器也象爵形〔考工記〕梓人為飲器爵一升隸釋古
爵三足兩柱前若喙後若尾禮明堂位泰有虞氏之尊也山
鼎夏后氏之尊也著殷尊也犧象周尊也爵夏后氏以琖殷
以爵

喪不可以徑情而直行

〔禮檀弓〕禮有直情而徑行者

為之衰麻

〔見子見齊衰章〕

哭踊

之數所以節之也

〔儀禮喪服篇〕哭晝夜無時既虞朝一哭夕一哭既練哭無時
敖氏繼公曰凡哭有三無時二有時始死未殯以前哭不絕
聲一無時也既殯以後阼階下朝夕哭之外有次中晝夜無
時之哭二無時也既練之後無次中朝夕之哭唯哀至則哭
三無時也既殯之後卒哭之前朝夕哭於次中二有時也此所謂哭之
卒哭之後未練之前朝夕哭於次中二有時也此所謂哭之
數也〔禮檀弓〕辟踊哀之至也有算為之節文也孔氏穎達曰
撫心為辟跳躍為踊每一踊三跳三踊九跳為一節士三日
而殯凡有三踊初死日襲襲而踊明日小斂踊又明日大斂
踊凡三日為三踊也大斂四日而殯初死日一踊明日襲又
一踊至三日小斂朝一踊小斂時又一踊至四日大斂朝不
踊當大斂時又一踊凡四日為五踊諸侯六日而殯初死日

一明日襲一至三日小敘朝一富小敘時又一四日無事一
五日一六日朝不踊當大敘時又一凡六日七踊周禮王八
日而殯死日一明日襲一其間二日為二至五日小敘為二
其間二日又二至八日朝不踊大敘時又一凡八日九踊故
云為之節文也此
所謂踊之數也

則其本戚而已周衰世方以文滅質而林放獨能問禮之本故
夫子大之而告之以此

子曰夷狄之有君不如諸夏之亡也

百虎通禮樂篇東方曰夷夷者傳夷無禮義北方曰狄狄者易
也辟易無別也餘詳大學詩周頌陳常千時夏左傳諸夏親暱
不可棄也漢書刑法志內尊天子以安諸夏師
古曰諸夏中國諸侯也夏大也言大於四夷

吳氏曰亡古無字通用程子曰夷狄且有君長不如諸夏之僭
亂反無上下之分也

尹氏曰孔子傷時之亂而歎之也亡非實亡也雖有之不能盡

其道爾

季氏旅於泰山子謂冉有曰女弗能救與對曰不能子曰嗚呼曾

謂泰山不如林放乎

女音汝與平聲

旅祭名

書禹貢蔡蒙旅平又荆岐既旅又九山刊旅註祭山曰旅周禮國有大故則旅上帝鄭註旅陳也陳其祭祀以祈焉據此旅祭非但祭山而已釋文旅衆也禮書國有大故然後旅其羣神而祭之

泰山山名

公羊傳山川有能潤百里者天子秩而祭之觸石而出膚寸而合不崇朝而雨天下其泰山之雲乎五經通義泰山一名岱宗王者受命易姓報功告成於岱宗岱者代也東方物之始交代之處宗者長也言爲羣嶽之長也博物志泰山一名天孫言爲天帝之孫也明一統志泰山在山東泰安州北五里其山盤道屈曲至絕頂上高四五十里有石表東嶽廟封禪壇又有三峯東曰日觀鷄鳴可望日西曰秦觀可望長安又西曰越觀可望會稽

在魯地

詩魯頌泰山巖巖魯邦所瞻司馬遷曰泰山之陽則魯其陰則齊孔氏穎達曰泰山在齊魯之界二國皆以爲望

禮諸侯祭封內山川

禮王制天子祭天下名山大川五嶽視三公四瀆視諸侯諸侯祭名山大川之在其地者天子諸侯祭因國之在其地而無主後者

季氏祭之僭也冉有孔子弟子名求

家語冉求有才藝以政事著仕爲季氏宰進則理其官職退則受教聖師性多謙退又子貢謂衛將軍文子曰恭老卹幼不怠賓旅好學尊藝省物而勤己是冉求之行也孔子稱之曰宜爲國老禮檀弓伯高之喪孔子使子張往弔焉未至冉子在衛攝束帛乘馬以將之孔子聞之曰異哉徒使我不誠於伯高家語五刑解冉有問於孔子曰古者三皇五帝不用五刑信乎孔子曰聖人之設防貴其不犯也制五刑而不用所以至治也凡夫人之爲奸邪竊盜靡法妄行者生於不足不足生於無度是以上有制度則民知所止民知所止則不犯雖有五刑不用不亦可乎又問於孔子曰先王制法使刑

不上於大夫禮不下庶人然則大夫犯罪不可以加刑庶人之行事不可以治於禮乎孔子曰不然大夫之在五刑之域者造乎闕而自請罪君不使有司執縛牽掣而加之也以刑不上大夫而大夫亦不失其罪者教使然也凡所謂禮不下庶人者以庶人遽其事而不克禮故不責之以備禮也冉有促席曰言則美矣我未之聞退而記之左傳哀公十一年齊師伐魯及清冉有用矛於齊師故能入其軍孔子曰義也又季孫欲用田賦使求訪諸仲尼

時爲季氏宰救謂救其陷於僭竊之罪嗚呼歎辭言神不享非禮欲季氏知其無益而自止又進林放以厲冉有也

范氏曰冉有從季氏夫子豈不知其不可告也然而聖人不輕絕人盡已之心安知冉有之不能救季氏之不可諫也旣不能正則美林放以明泰山之不可誣是亦教誨之道也

子曰君子無所爭必也射乎揖讓而升下而飲其爭也君子飲去聲

禮射義古者諸侯之射也必先行燕禮卿大夫士之射也必先

持弓矢審固此可以觀德行矣又古者天子之制諸侯歲獻貢士於天子天子試之於射宮其容體比於禮其節比於樂而中多者得與於祭其容體不比於禮其節不比於樂而中少者不得與於祭數與於祭而君有慶數不與於祭而君有讓數有慶而益地數有讓而削地故曰射者射為諸侯也是以諸侯君臣盡志於射以習禮樂此天子所以養諸侯而兵不用諸侯自為正之具也此即所謂大射又射之為言釋也或曰舍也釋者各釋己之志也故心平體正持弓矢審固則射中矣又男子生桑弧蓬矢六以射天地四方天地四方男子之所有事也故必先有志於其所有事然後敢用穀也飯食之謂也按射有三大射賓射燕射天子將有郊廟之事擇諸侯羣臣與邦所貢之上習射于西郊之虞庠諸侯則擇其臣大夫擇邑宰家臣謂之大射諸侯朝天子天子與之射于朝或諸侯自相朝而射謂之賓射天子諸侯無事而燕賓客或燕聘問之使臣與之射於國謂之燕射三射之外又有鄉射鄉射者士大夫與鄉之人歲時習禮之射也天子諸侯無鄉射士無大射大夫則四射皆有之揖讓而升者大射之禮耦進三揖而後升堂也下而飲謂射畢揖降以俟耦耦皆降勝者乃揖不勝者升取觶立飲也

儀禮大射司射作三耦作使也三耦出次西面揖在左並行當階北面揖及階揖升堂揖並行皆當其物北面揖及物揖

所謂三揖升堂也卒射北面揖揖如升射過次反位三耦卒射亦如之所謂射畢揖降衆耦皆降也司射命設豐於西楹西勝者之子弟洗觶酌奠於其上勝者袒決遂執張弓不勝者皆襲脫決拾卻左手右加弛弓於其下揖如升射及階勝者先升堂少右不勝者進北面坐取豐上之觶興立飲卒觶坐奠於豐下與揖不勝者先降所謂勝者揖不勝者升取觶立飲也凡飲酒主賓勸酢必拜以送爵今不勝者自飲而無送勸之儀故以爲罰也周禮考工記梓人爲飲器爵一升觶三升註觶當作觶禮器圖尊者舉觶三升日觶口徑五寸中深四寸強底徑三寸

言君子恭遜不與人爭惟於射而後有爭然其爭也雍容揖遜乃如此則其爭也君子而非若小人之爭矣

子夏問曰巧笑倩兮美目盼兮素以爲絢兮何謂也

倩七練反盼普莧反絢呼

反縣

此逸詩也

天全或謂卽衛風碩人所云素以爲絢兮一句夫子所刪也朱子曰此句最有意義夫子方有取焉而反見刪何哉且碩

人四章章皆七句不應此章獨多此一句而見刪必別自一詩而今逸矣衛風碩人詩手如柔荑膚如凝脂領如蝤蛴齒如瓠犀螭首蛾眉巧笑倩兮美目盼兮

倩好口輔也

說文輔頰骨也易咸卦上六成其輔頰舌離騷麗輔奇牙宜笑焉

盼目黑白分也素粉地畫之質也絢采色畫之飾也言人有此倩盼之美質而又加以華采之飾如有素地而加采色也子夏疑其反謂以素爲飾故問之

子曰繪事後素

繪胡對反

繪事繪畫之事也後素後於素也考工記曰繪畫之事後素功

周禮考工記畫繪之事雜五色東方謂之青南方謂之赤西方謂之白北方謂之黑天謂之元地謂之黃青與白相次也赤與黑相次也元與黃相次也青與赤謂之文赤與白謂之章白與黑謂之黼黑與青謂之黻五采備謂之繡土以黃其

象方天時變火以圖山以章水以龍鳥獸蛇雜四時五色之位以章之謂之巧凡畫績之事後素功按考工記周禮篇名古周禮六篇後司空之篇亡漢興以千金購求不得此記本前世識其事者記錄以備大數河間獻王取以補冬官之缺故今周禮有冬官考工記其體例亦與前五篇稍別

謂先以粉地爲質而後施五采

按書益稷篇以五采彰施於五色鄭註性曰采施曰色以本性施於繪帛故云以五采施于五色然則采者卽今所謂顏料者也

猶人有美質然後可加文飾

曰禮後乎子曰起予者商也始可與言詩已矣

禮必以忠信爲質猶繪事必以粉素爲先起猶發也起子言能起發我之志意謝氏曰子貢因論學而知詩子夏因論詩而知學故皆可與言詩

楊氏曰甘受和白受采忠信之人可以學禮苟無其質禮不虛行

禮禮器甘受和白受采忠信之人可以學禮苟無忠信之人則禮不虛道是以得其人之為貴也

此繪事後素之說也孔子曰繪事後素而子夏曰禮後乎可謂

能繼其志矣禮學記善教者使人繼其志

非得之言意之表者能之乎

莊子外物

篇言者所以在意得意而忘言

商賜可與言詩者以此若夫玩心於章句之末

則其為詩也固而已矣所謂起子則亦相長之義也

禮學記教學相長也

子曰夏禮吾能言之杞不足徵也殷禮吾能言之宋不足徵也文獻不足故也足則吾能徵之矣

列國興廢說杞姬姓伯爵殷時或封或絕武王克殷求夏禹之後得東樓公封之於杞以奉夏祀東樓公四傳而至武公武公十一年魯隱公立後遷都緣陵又遷淳于至閔公維之六年西狩獲麟後三十二年而滅於楚春秋彙纂杞本都陳留雍丘縣

今河南開封府杞縣是也後遷淳于今山東青州府安丘縣有淳于故城列國興廢說宋子姓公孫商王帝乙之長庶子啟食采於微謂之微子紂爲不道微子抱祭器奔周武王誅紂立其子武庚武庚以三監叛成王誅之中分其地封微子爲宋公以奉湯祀禮樂衣服悉如湯舊作賓王家其後數世孫穆公和之七年魯隱公立景公三十六年西狩獲麟後六世二百七年而齊楚魏共滅其國漢書地理志宋地房心之分野也今之沛梁楚山陽濟陰東平及東郡之須昌壽城皆宋分也周封微子於宋今之睢陽是也本陶唐氏火正閼伯之虛也春秋彙纂宋在梁國睢陽縣今河南歸德府治商丘縣卽漢睢陽故城在縣南詹氏道傳曰自微子至戴公凡十君其間禮樂廢壞正考父爲孔子七世祖得商頌十二篇於周之太師自夫子刪詩僅存五篇可見典籍不足徵矣魯僖公二十七年杞桓公來朝用夷禮故經書子以貶之又可見賢者之不足徵

杞夏之後宋殷之後徵證也文典籍也獻賢也言二代之禮我能言之而二國不足取以爲證以其文獻不足故也文獻若足則我能取之以證吾言矣

子曰禘自既灌而往者吾不欲觀之矣

禘大計反

趙伯循曰

唐書啖助傳趙匡字伯循河東人歷洋州刺史初從啖助學與陸質並為高第助卒質哀錄助所為春秋集註總例請匡損益質纂會之號纂例稱匡為趙夫子

禘王者之大祭也王者既立始祖之廟又推始祖所自出之帝祀之於始祖之廟而以始祖配之也

詩序商頌長發大禘也鄭箋大禘郊祭天也禮記曰王者禘其祖之所自出以其祖配之是謂也詩序周頌雝禘太祖也鄭箋禘大祭也大於四時而小於禘太祖謂文王周禮春官大宗伯以肆獻裸享先王以饋食享先王鄭注宗廟之祭肆獻裸饋食在四時之上則是禘也禘也肆者進所解牲體謂薦熟食也獻獻醴謂薦血腥也禘之言灌灌以鬱鬯謂始獻尸求神時也司尊彝凡四時之間祀追享朝享裸用虎彝雖彝皆有舟鄭司農注追享朝享謂禘祫也在四時之間故曰問祀禮祭法有虞氏禘黃帝夏后氏亦禘黃帝殷人禘嚳周人禘嚳趙氏匡采曰虞氏禘黃帝蓋舜祖顓頊出于黃帝則所謂禘其祖之所自出也夏后氏禘黃帝義同舜也殷祖契出自嚳故禘嚳周禘嚳義與殷同國語魯語有虞氏禘黃帝

夏后氏禘黃帝商人禘舜周人禘馨陳氏祥道曰國語言商人禘舜異于祭法者蓋宋禮歟禮明堂位季夏六月以禘禮祀周公于太廟雜記七月日至可以有事于祖七月而禘獻子爲之也春秋閔公二年夏五月乙酉吉禘于莊公僖公八年秋七月禘于太廟用致夫人左傳昭公十五年將禘于武公二十五年將禘于襄公定公八年禘于僖公方氏慤曰禮不王不禘蓋德愈隆而孝愈廣位愈尊而祭愈遠故也此禘或謂之間祀或謂之追享或謂之大祭或謂之肆獻裸何也以其非四時之常祀故謂之間祀以其及祖之所自出故謂之追享以其比常祭爲特大焉故謂之大祭以其猶是生之有享焉故謂之肆獻裸禮緯三年一禘五年一禘後漢書張純傳禘之爲言諦諦定昭穆尊卑之義也禘祭以冬十月冬者五穀成熟物備禮成故合聚飲食也禘祭以夏四月夏者陽氣在上陰氣在下故正尊卑之義也東陽許氏曰王者立始祖之廟百世不遷諸侯亦有始祖廟王者又推始祖所自出之帝以祀之蓋帝者又得姓受命之始也世數旣遠不可以立廟則祭於始祖之廟而以始祖祖配之凡廟各有主皆居室中東面之位而獨尊禘則於始祖廟中特設所自出之主於東面而始祖之主退居南面以配之也通考楊氏曰禮不王不禘王者禘其祖之所自出見于大傳見于小記見于喪服子夏傳祭法首述虞夏殷周四代已行之禮又信而有徵後之言禘者皆求其說于三年一禘五年一禘之中而不求

之于禘其祖之所自出皆由混禘于禘而遂至于不知有禘
既以禘禘皆為魯禮又以禘禘同為殷祭欲辨禘禘之名所
以不同馬融謂禘大禘小鄭元謂禘大禘小賈逵劉歆謂一
祭二名紛紛異同得失不能相遠禮書鄭元隨文求義解禘
輒有四種注祭法及小記則云禘是祭天注詩頌則云禘是
宗廟之祭小于禘注郊特牲則云禘當為禘注祭統王制則
云禘是夏殷之時祭名殊可怪也按朱子語類禘只祭始
祖及所自出之帝禘乃合羣廟皆祭當以趙匡之說為正又
云程先生說禘是禘其始祖之所自出併羣廟之主皆祭之
禘則止自始祖而下合羣廟之主皆祭之所謂禘禘之說恐
不然故論語集解中
止取趙伯循之說

成王以周公有大勲勞賜魯重祭故得禘於周公之廟以文王
為所出之帝而周公配之然非禮矣

禮明堂位成王以周公為有大勲勞于天下是以封周公於
曲阜地方七百里革車千乘命魯公世世祀周公以天子之
禮樂是以魯君孟春乘大路載弧韞旂十有二旒日月之章
祀帝于郊配以稷天子之禮也季夏六月以禘禮祀周公
于太廟牲用白牡尊用犧象山罍鬱尊用黃目灌用玉瓚大
圭薦用玉豆雕篋爵用玉琖仍雕加以璧散璧角俎用梡嶧

升歌清廟下管象朱干玉戚冕而舞大武皮弁素積裼而舞大夏旒東夷之樂也任南蠻之樂也納夷蠻之樂于太廟言庶魯于天下也祭統昔者周公旦有勲勞于天下成王康王追念周公之所以勲勞者而欲尊魯故賜之重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之禮樂也康周公故以賜魯也子孫纂之至於今不廢所以明周公之德而又以重其國也東陽許氏曰通鑑外紀謂魯惠公使宰嚭請郊廟之禮於天子王使史角往魯公止之路史謂惠公之止之是周不與之也不與而魯用郊自不用之也然則魯之郊廟皆後世之僭而附會為明堂位之說歟不然孔子何以曰魯之郊禘非禮也周公其衰矣禮書魯之用禘蓋于周公廟而上及文王即周公之所出故也此祭惟得于周公廟為之閔公時遂僭于莊公廟行之以其不追配故直言莊公而不言莊宮明用其禮物耳不追配文王也本以夏之孟月為之至孟獻子乃以夏之仲月為之

灌者方祭之始用鬱鬯之酒灌地以降神也

禮郊特牲周人尚臭灌用鬯臭鬱合鬯臭陰達於淵泉灌以圭瓊用玉氣也既灌然後迎牲致陰氣也註鬯者以秬黍為酒芬芳條鬯再搗鬱金汁和之則香氣滋甚用之以灌使其臭下達所以求神於陰也灌者用鼻中鬱鬯之酒實之于瓚

灌地以降神也周禮春官大宗伯以肆獻裸享先王注宗廟之祭始灌鬱以求神既灌則獻醴以薦腥既獻則解牲體以薦熟既薦則獻黍稷以饋食肆師祭之日果築鬱注築鬱者搗鬱金汁煮之以和拒鬯也鬱人掌裸器凡祭祀賓客之灌事和鬱鬯以實彝而灌之凡裸玉濯之陳之以贊裸事詔裸將之儀與其節鬯人掌其拒鬯而飾之飾之謂設巾也司尊彝掌六尊六彝之位詔其酌辨其用與其實春祠夏禴裸用鷄彝鳥彝皆有舟秋嘗冬烝裸用罍彝黃彝皆有舟凡四時之閒祭追享朝享裸用虎彝雖彝皆有舟按禘禮九獻九獻之禮凡四節其一節曰裸禘日夙興室中近北陳鬱鬯鬱人掌灌事和鬱鬯以實彝而陳之將灌王服袞冕而入奏王夏后服副禕從王入奏齊夏次乃尸入奏肆夏王以圭瓚酌鬱鬯以授尸尸受之灌地祭之以降神乃啐之奠之此求神之始也是謂一獻后乃以璋瓚酌鬱鬯以亞獻尸尸亦祭之啐之奠之是謂二獻其二節曰薦腥后裸畢王出迎牲祝延尸於戶外后于是薦朝事之豆籩王迎牲入親率之太僕贊王牲事取血以告殺取毛以告純解而腥之薦於神王以玉爵酌醴齊以獻尸為三獻后亦以玉爵酌醴齊以獻尸為四獻其三節曰薦熟薦腥即朝踐薦熟即饋獻亦曰饋食朝踐之後體解其牲而烹之乃徙堂上之饌于室內祝以尊爵酌奠又取腸間脂肅蕭合馨香迎尸入室后薦饋獻之籩豆王酌壺尊以盎齊獻尸為五獻后又酌壺尊以盎齊獻尸為六

獻其四節曰醕薦熟之後次行朝獻尸食十五飯訖王以玉爵因朝踐之尊酌醴齊以醕尸七獻也后乃薦加邊豆尸酌酢主人主人受嘏次行再獻禮后以瑤爵因饋食之尊酌齊以醕尸八獻也后醕尸畢諸臣爲賓者以瑤爵酌醴齊獻尸爲九獻也此是正獻九獻後遂行旅酬禮按既灌而往卽指薦屋以下言說文鬱香草也鄭司農周禮註鬱草若蘭十葉爲苴百二十苴爲築以煮之鑊中停於祭前

魯之君臣當此之時誠意未散猶有可觀自此以後則浸以懈怠而無足觀矣蓋魯祭非禮孔子本不欲觀至此而失禮之中又失禮焉故發此歎也

謝氏曰夫子嘗曰我欲觀夏道是故之杞而不足證也我欲觀商道是故之宋而不足證也

禮禮運孔子曰我欲觀夏道是故之杞而不足徵也吾得夏時焉我欲觀殷道是故之宋而不足徵也吾得坤乾焉坤乾之義夏時之等吾以是觀之

又曰吾觀周道幽厲傷之吾舍魯何適矣魯之郊禘非禮也周公其衰矣

禮運孔子曰我觀周道幽厲傷之吾舍魯何適矣魯之郊禘非禮也周公其衰矣杞之郊也禹也宋之郊也契也是天子之事守也故天子祭天地諸侯祭社稷

考之杞宋已如彼考之當今又如此孔子所以深歎也

或問禘之說子曰不知也知其說者之於天下也其如示諸斯乎指其掌

先王報本追遠之意莫深於禘非仁孝誠敬之至不足以與此非或人之所及也而不王不禘之法又魯之所當諱者故以不知答之

禮大傳禮不王不禘王者禘其祖之所自出以其祖配之諸侯及其太祖大夫士有大事省于其君子祫及其高祖禮書

唐陸淳曰禘者帝王立始祖之廟猶謂未盡其追遠尊先之義故又推尋始祖所出之帝而追祀之以其祖配之者謂于始祖廟祭之而便以始祖配祭也此祭不兼羣廟之主爲其疎遠不敢褻狎故也

示與視同指其掌弟子記夫子言此而自指其掌言其明且易也蓋知禘之說則理無不明誠無不格而治天下不難矣聖人於此豈真有所不知也哉

祭如在祭神如神在

程子曰祭祭先祖也祭神祭外神也祭先主於孝祭神主於敬愚謂此門人記孔子祭祀之誠意

子曰吾不與祭如不祭

與去聲

又記孔子之言以明之言已當祭之時或有故不得與而使他
人攝之則不得致其如在之誠故雖已祭而此心缺然如未嘗

祭也

范氏曰君子之祭七日戒三日齊必見所祭者誠之至也

禮祭義致齊於內散齊於外齊之日思其居處思其笑語思其志意思其所樂思其所嗜齊三日乃見其所爲齊者祭之日入室儼然必有見乎其位周還山戶肅然必有聞乎其容聲出戶而聽愾然必有聞乎其歎息之聲坊記七日戒三日齊承一人焉以爲尸過之者趨走以致敬也

是故郊則天神格廟則人鬼享皆由已以致之也

韓愈原道生則得其情死則盡其常郊焉而天神格廟焉而人鬼饗周禮春官大司樂六變則天神皆降九變則人鬼可得而禮

有其誠則有其神無其誠則無其神可不謹乎吾不與祭如不

祭誠爲實禮爲虛也

王孫賈問曰與其媚於奧寧媚於窻何謂也

王孫賈衛大夫

王孫賈衛公族大夫或曰周大夫王孫滿之後也左傳定公八年晉師將盟衛侯于鄆澤衛人請執平耳晉大夫成何曰衛吾溫原也焉得視諸侯將歆涉佗亦晉大夫按衛侯之手及腕按搆也血至肱衛侯怒王孫賈趨進曰盟以信禮也有如衛君其敢不惟禮是事而受此盟也衛侯欲叛晉而患諸大夫王孫賈使次於郊大夫問故公以晉詬語之且謂必以而子謂公子與大夫之子爲質賈曰苟衛國有難工商未嘗不爲患請皆行而後可將行公朝國人使賈問焉曰若衛叛晉晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許呂氏春秋衛靈公天寒鑿池王孫賈奏曰君衣狐裘而坐熊席與隅有竈是以不寒民衣敝不補履決不葺君則不寒民誠寒矣公曰善令罷役

媚親順也室西南隅爲奧

爾雅室西南隅謂之奧西北隅謂之屋漏東北隅謂之窰東南隅謂之交孫氏炎曰奧者室中隱奧之處古者爲室戶不當中而近東則西南隅最爲深隱故謂之奧而祭祀及尊者所常處曲禮云爲人子者居不主奧是也

竈者五祀之一夏所祭也

釋名竈造也創造食物也夏祭竈者火之主人所以自養也
淮南子炎帝死為竈神路史蘇伯始為竈神禮器纂者老
婦之祭也盛於盆尊於瓶淮南子有虞氏祀先中霤夏后氏
祀先戶殷人先門周人先竈禮曲禮天子諸侯大夫祭五祀
歲禘周禮大宗伯以血祭祭五祀禮月令春祀戶祭先脾夏
祀竈祭先肺土祀中霤祭先心秋祀門祭先肝冬祀行祭先
賢按月令以五祀為戶竈中霤門行白虎通及劉昭范蔚
宗以五祀為戶竈中霤門行楊慎云井即行也行者井間道
入家同井井有入道入家所行也陳祥道云門戶人資以出
入中霤人資以居井竈人資以養先王祀此所以報之也

凡祭五祀皆先設主而祭於其所然後迎尸而祭於奧略如祭
宗廟之儀如祀竈則設主於竈陲祭畢而更設饌於奧以迎尸
也

禮月令鄭注凡祭五祀於廟用特牲有主有尸皆先設席於
奧竈在廟門外之東祀竈之禮先設席於門之奧東面設主
於竈陲乃制肺及心肝為俎奠於主西又設盛於俎南祭黍
肉醴既祭徹俎更設饌於筵前迎尸祭之孔疏祀竈皆在廟

門外先設席於廟門外西室之奧諸侯特牛大夫特羊既三祭移主於初設奧之簋上乃出戶迎尸入卽席而坐竈主西向朱子曰廔是竈門平正可頓柴處廔非可好安排故又祭於奧以成禮五祀皆然問五祀皆有尸以誰爲之曰今無可考但墓祭以家人爲尸以此推之祀竈之尸恐膳夫之類祀門之尸恐閭人之類江份大全祭五祀或在廟中或在廟外此鄭氏之說然鄭氏注周禮宮正又言祭社稷七祀於宮中與前說異馬貴與謂廟所以奉祖宗不當雜祭他鬼神則所謂奧者不在廟而在其所居之室矣按此則知集註只渾言祭於其所用意最爲精細

故時俗之語因以奧有常尊而非祭之主竈雖卑賤而當時用事喻自結於君不如阿附權臣也賈衛之權臣故以此諷孔子子曰不然獲罪於天無所禱也

天卽理也其尊無對非奧竈之可比也逆理則獲罪於天矣豈媚於奧竈所能禱而免乎言但當順理非特不當媚竈亦不可媚於奧也

謝氏曰聖人之言遜而不迫使王孫賈而知此意不爲無益使其不知亦非所以取禍

子曰周監於二代郁郁乎文哉吾從周

郁於六反

按監二代事不可詳考然約畧可知如井田則孟子以爲雖周亦助是取法乎殷也學校則大學在國中小學在郊是取法乎夏也封國則五服亦宗夏制而特異其男邦采衛之名建官則六卿亦祖殷法而第更其司士太宗之位巡狩則五載易爲十二而陳詩納賈則同述職則四朝變爲六年而敷言試功不異以言宗廟雖有三宗二祖之殊其爲七廟同也以言明堂雖有七尋九筵之別其爲五室同也以言冠禮或以母追或以章甫或以委貌其爲三加同也以言婚禮或迎於庭或迎於堂或迎於戶其爲親迎同也乃若養老則或兼饗或兼食而莫非引年之心格祖則或尙聲或尙臭而均此求神之意推之一車旗一服物如王制明堂位所載莫不參夏殷而兼用之皆所謂監於二代者也

監視也二代夏商也言其視二代之禮而損益之郁郁文盛貌尹氏曰三代之禮至周大備夫子美其文而從之

子入大廟每事問或曰孰謂鄒人之子知禮乎入大廟每事問子

聞之曰是禮也大音泰鄒側畱反

大廟魯周公廟此蓋孔子始仕之時入而助祭也

公羊傳周公稱太廟魯公稱世室羣公稱廟周公何以稱太廟於魯封魯公以為周公也周公拜乎前魯公拜乎後曰生以養周公死以為周公主此魯之太廟所以為周公廟也禮明堂位季夏六月以禘禮祀周公於太廟太廟天子明堂庫門天子皐門雉門天子應門山節藻梲復廟重檐刮楹達鄉反玷出尊崇坻康圭疏屏天子之廟飾也按年譜孔子二十九歲仕魯為委吏二十一年歲為乘田至二十九歲方適衛則入廟助祭當在此數年中也

鄒魯邑名孔子父叔梁紇嘗為其邑大夫

史記索隱鄒邑名路史國名紀鄒魯下邑今兗之魯縣孔子之生處與孟子之鄒異四書釋地鄒邑今在山東兗州府鄒縣界鄒人之子孔子少賤時之稱左傳襄公十年晉荀偃圍偃陽偃陽人啟門諸侯之士門焉縣門發鄒人紇挾之以出門者疏云孔子父為鄒邑大夫故謂之鄒人十七年齊伐魯圍桃高厚圍臧紇於防師自陽關逆臧孫至于旅松鄒叔紇

臧疇臧賈帥甲三百背犯齊師送之而復齊師去之

孔子自少以知禮聞故或人因此而譏之

按左傳昭公七年載孟僖子將死屬二子師事孔子而學禮可知孔子自少以知禮聞也

孔子言是禮者敬謹之至乃所以爲禮也

尹氏曰禮者敬而已矣雖知亦問謹之至也其爲敬莫大於此謂之不知禮者豈足以知孔子哉

子曰射不主皮爲力不同科古之道也

爲去聲

射不主皮鄉射禮文

儀禮鄉射記天子熊侯白質諸侯麋侯赤質大夫布侯畫以虎豹士布侯畫以鹿豕禮射不主皮主皮之射勝者又射不勝者降鄉康成曰州長春秋以禮會民而射于州序之禮謂之鄉者州鄉之屬鄉大夫或在焉周禮鄉老及鄉大夫三年正月獻賢能之書于王退而以鄉射之禮五物詢衆庶陳祥道禮之鄉大夫既貢士于其君亦用此禮射而詢衆庶陳祥道禮

書鄉射于序而用鹿中鄭氏謂士為州長者之禮也然其言射必兼庠序言禮必兼大夫周官鄉大夫有鄉射之禮則鄉射不特士而已大射前二日宰夫戒宰及司馬鄉射不言蓋戒與射同日也大射有大射正小射正司射鄉射則有司而已蓋皆主人之吏為之也大射設次于東故不適堂西鄉射無大故射者適堂西而已大射負侯者諾則以宮又諾以商鄉射獲者諾聲不絕而已大射獻服不則侯西北三步北面拜受爵鄉射獻獲者于侯而已以服不士也故獻近于乏鄉人賤也故獻即于侯也大射鍾師以鐘鼓奏祓夏鄉射以鼓奏陔夏以君尊故有鐘鼓大夫士卑特用鼓也大射度侯道以狸步鄉射則度以躬大射乏西十步北十步鄉射則乏參侯道居侯黨之一西五步此大射鄉射之別也周禮鄉大夫以鄉射之禮五物詢衆庶一曰和二曰容三曰主皮四曰和容五曰興舞則禮射武射盛世亦是兼行至禮射亦主皮故發此歎

為力不同科孔子解禮之意如此也皮革也布侯而棲革於其中以為的所謂鵠也

詩小雅發彼有的毛傳的質也孔疏射張皮謂之侯侯中者謂之鵠鵠中者謂之正正方二尺正中謂之鵠方六寸鵠則

質也餘並詳中庸

科等也古者射以觀德但主於中而不主於貫革蓋以人之
有強弱不同等也

禮射儀天子以騶虞爲節諸侯以貍首爲節卿大夫以采蘋
爲節士以采芣爲節騶虞者樂官備也貍首者樂會時也采
蘋者樂循法也采芣者樂不失職也是故天子以備官爲節
諸侯以時會天子爲節卿大夫以循法爲節士以不失職爲
節故明乎其節之志以不失其事則功成而德行立德行立
則無暴亂之禍矣功成則國安故曰射者所以觀德行也

記曰武王克商散軍郊射而貫革之射息正謂此也

禮樂記武王克殷及商濟河而西馬散之華山之陽而弗復
乘牛散之桃林之野而弗復服車甲衅而藏之府庫而弗復
用倒載干戈包之以虎皮將帥之士使爲諸侯名之曰建櫜
然後天下知武王之不復用兵也散軍而郊射左射貍首右
射騶虞而貫革之射息也禋
冕搢笏而虎賁之士說劍也

周衰禮廢列國兵爭復尙貫革故孔子歎之

楊氏曰中可以學而能力不可以強而至聖人言古之道所以

正今之失

子貢欲去告朔之餼羊

去起呂反告古篤反餼許氣反

告朔之禮古者天子常以季冬頒來歲十二月之朔于諸侯諸侯受而藏之祖廟月朔則以特羊告廟請而行之

百虎通四時篇曰言夜月言晦曰言朝月言朔朔之言蘇也
明消更生故言朔曰晝見夜藏有朝夕故言朝也周禮春官
太史頒告朔於邦國禮玉藻天子元冕聽朔於南門之外閭
月則闔門左扉立於其中諸侯皮弁以聽朔於太廟論語類
考天子頒朔于諸侯諸侯藏之祖廟至朔朝于廟告而受行
之謂之告朔人君卽以此日聽視此朔之政謂之視朔亦謂
之聽朔其日又以禮祭于宗廟謂之朝廟周禮謂之朝享其
歲首爲之則謂之朝正告朔視朔聽朔朝廟朝享朝正二禮
各有三名同日而爲之也

餼生牲也

四書經註集證 論語卷二

三

按儀禮君使卿韋弁歸饗餼五牢注牲殺曰饗生曰餼又左傳僖公三十三年餼牽竭矣餼與牽對牽是牲可牽行餼是已殺故解者以爲腥曰餼謂生肉未炙者也其實餼亦是生又哀公二十四年晉師乃還餼臧石牛謂以生牛賜之也

魯自文公始不視朔

春秋文公六年閏月不告朔猶朝於廟左傳閏月不告朔非禮也閏以正時時以作事以厚生生民之道於是乎在矣不告閏朔棄時政也何以爲民春秋文公十六年夏五月公四不視朔左傳疾也穀梁傳天子頒朔於諸侯諸侯受乎廟廟禮也公四不視朔公不臣也以公爲厭政已甚矣

而有司猶供此羊故子貢欲去之

子曰賜也爾愛其羊我愛其禮

愛猶惜也子貢蓋惜其無實而妄費然禮雖廢羊存猶得以識之而可復焉若併去其羊則此禮遂亡矣孔子所以惜之

楊氏曰告朔諸侯所以稟命於君親禮之大者魯不視朔矣然

羊存則告朔之名未泯而其實因可舉此夫子所以惜之也

子曰事君盡禮人以爲諂也

黃氏曰孔子於事君之禮非有所加也如是而後盡爾時人不能反以爲諂故孔子言之以明理之當然也

宋史列傳黃祖舜字繼道福州福清人登進士第出通判泉州將行言抱道懷德之士不應試干祿乞自科舉後有學行修明孝友純篤者其薦之州州延之庠序以表率多士其卓行尤異者州以名聞是亦鄉舉里選之意下其奏禮部遂畱爲倉庫郎中後兼侍講進論語講義上命金安節校勘安節言其書詞意純粹乃令國子監板行後遷同知樞密院事薨於官諡

莊定

程子曰聖人事君盡禮當時以爲諂若他人言之必曰我事君盡禮小人以爲諂而孔子之言止於如此聖人道大德宏此亦

可見

定公問君使臣事君如之何孔子對曰君使臣以禮臣事君以忠

定公魯君名宋

〔謚法解〕大慮靜民曰定安民大慮曰定安民法古曰定純行不爽曰定左傳定公元年叔孫成子逆昭公之喪於乾侯及壞墮公子宋先入六月戊辰卽位十五年春林隱公來朝公受玉卑其容俯子貢曰君其亡乎夏五月壬申公薨於高寢九月丁巳葬定公兩不克葬戊午日下昃乃葬

二者皆理之當然各欲自盡而已

呂氏曰使臣不患其不忠患禮之不至事君不患其無禮患忠之不足尹氏曰君臣以義合者也故君使臣以禮則臣事君以忠

子曰關雎樂而不淫哀而不傷

樂音洛

爾雅釋鳥郭璞註雕類也今江東呼之爲鷃陸機疏雕鳩大
小如鴟深目目上骨露幽州人謂之鷃而揚雄許慎皆曰白鷃
似鷹尾上白詩疏雕鳩王雅也詩集傳雕鳩水鳥狀類鷃鷃今
江淮間有之生有定偶而不相亂偶常並遊而不相狎故毛傳
以爲鷃而有別列女傳以爲人未嘗
見其乘居而匹遊者蓋其性然也

關雎周南國風詩之首篇也

小序關雎后妃之德也風之始也所以風天下而正夫婦也
故用之鄉人焉用之邦國焉朱子集註周之文王生有聖德
又得聖女姬氏以爲配宮中之人於其始至見其有幽閒貞
靜之德故作此詩春秋說題辭人主不正應門失守故歌關
雎以感之薛君韓詩章句詩人言雉鳩貞潔慎匹以聲相求
隱蔽于無人之處故人君退朝入于私宮后妃御見有度應
門擊柝鼓人上堂退反宴處體安志明今時大人內傾于色
賢人見其剪故詠關雎說淑女正容儀以刺時後漢書皇后
紀康王晚朝關雎作諷朱子集傳國者諸侯所封之域風者
民俗歌謠之詩謂之風者以其被上之化以有言而其言又
足以感人如物因風之動以有聲而其聲又足以動物也是
以諸侯采之以貢於天子天子受之而列於學宮於以考其
俗尚之美惡而政治之得失焉舊說二南爲正風十三國爲
變風合之凡十五國云周南一召南二邶三鄘四衛五王六

第七齊八魏九唐十泰十一陳十二禮十三書十四國十五也

淫者樂之過而失其正者也傷者哀之過而害於和者也關雎之詩言后妃之德宜配君子

按后妃即太姬文王妃也莘國之長女妣氏有聖德克嗣太任之徽音

求之未得則不能無寤寐反側之憂求而得之則宜其有琴瑟

見中 鐘鼓 見下 之樂蓋其憂雖深而不害於和其樂雖盛而不

失其正故夫子稱之如此欲學者玩其辭審其音而有以識其

性情之正也

哀公問社於宰我

禮祭法王為羣姓立社曰大社王自為立社曰王社諸侯為百姓立社曰國社諸侯自為立社曰侯社大夫以下成羣立社曰置社逸周書作雒解諸侯受命於周乃建大社於周中其壇東青土南赤土西白土北驪土中央豐以黃土將建諸侯鑿取其

方一面之土苞以黃土苴以白茅以爲土封百虎通社稷篇不謂之士何封土爲社故變名謂之社別於衆土也社無屋何郊特牲云太社必受霜露風雨以達天地之氣也論語類考周禮所謂右社稷者乃天子諸侯之正社稷又云決陰事于亳社言不與正社稷同也魯之外朝東有亳社西有國社故左傳云開于兩社也趙氏惠曰定公五年盟三桓於周社盟國人於亳社則魯之兩社亦聚民警戒之地哀公四年六月亳社災意者公之問因亳社之災而有所慮乎

宰我對曰夏后氏以松殷人以柏周人以栗

程復心曰夏言后言氏殷周言人何也舜帝也禹王也言后所以別於帝氏者別其祖之所自分舜禹皆祖顓頊故舜爲虞氏禹爲夏氏殷周言人所以別於禹也趙氏惠曰禹受禪於君故夏稱后殷周順人心而征伐故言人字說松百木之長猶公故字從公說文松葉如針多節皮粗厚盤根參枝四時常青松有二種惟五葉者結子淮南子千年之松下有茯苓上有兔絲抱朴子松樹之三千歲者其皮中有聚脂狀如龍形名飛節芝六書精蘊栢陰木也木皆屬陽而栢向陰指西蓋木之有貞德者故字從白白西方之正色也埤雅栢一名栢雜記所謂陽曰以拘者是也栢性堅緻有脂而香故古人破爲陽曰用以擣鬱崔實月令七月收栢實書禹貢青州厥貢鉛松荊州厥貢括栢詩魯頌徂徠之松新甫之栢商頌陟彼景山松柏丸丸周禮職方

氏冀州其材松柏禮器松栢之有心也貫四時而不改柯易
葉史記松柏爲百木長而守宮間說文栗作桌從木其實下垂
故從鹵詩義疏栗五方皆有周秦吳揚特饒東觀書栗駭達轉
蓋栗房秋斲實躍如爆去根幹甚遠所謂栗駭其質纘密故稱
玉纘密以栗又栗至斲發之時將墜不墜尤有戰栗之象詩衛
風樹之榛栗大戴禮八月栗零周禮道人饋食之邊其實栗

曰使民戰栗

宰我孔子弟子名子

家語七十二弟子解予有口才以言語著名孔子曰吾欲以
言語取人於子邪改之宰我聞之不敢見也子嘗問五帝之
德及黃帝之年夫子告之旣而曰子非其人也又問君子尙
辭乎孔子曰君子以理爲尙博而不要非所察也繁辭富說
非所聽也惟知者不失理孔叢子宰我嘗使於楚昭王以安
車象飾因宰我遺孔子宰我曰夫子貴義尙德清素好儉仕
而有祿不以爲積不合則去退無吝心道行則樂其治不行
則樂其身若夫觀目之麗靡窮寃之淫音夫子過之弗視遇
之弗聽也何必遠辱君之重貶乎歸以告孔子孔子美其言之實而使人信也

三代之社不同者古者立社各樹其土之所宜木以爲主也

周禮地官大司徒設其社稷之壇而樹之田主各以其野之
所宜木遂以名其社與其野邢昺曰夏都安邑宜松穀都亳
宜柏周都豐鎬宜栗百虎通社稷篇社所以有樹何尊而識
之使民望見即敬之又所以表功也故周官曰司徒頒社而
樹之各以土地所宜尚書逸篇曰大社惟松東社惟柏南社
惟梓西社惟栗北社惟槐王者自親祭社何社者土地之神
也土生萬物天下之所主也尊重之故自祭也何休註公羊
傳松猶容也想見其容貌而事之主人正之意也柏猶迫也
親而不遠主地正之意也
栗猶戰栗主天正之意也

戰栗恐懼貌宰我又言周所以用栗之意如此豈以古者戮人
於社故附會其說與

按書甘誓用命賞於祖不用命戮於社蓋古者建國左祖右
社左陽右陰陰主殺軍行載社主以行弗用命者則戮之於
社也前漢袁盎傳贊袁盎雖不好學
亦善附會張晏註因宜附著合會之

子聞之曰成事不說遂事不諫既往不咎

遂事謂事雖未成而勢不能已者孔子以宰我所對非立社之

本意又啟時君殺伐之心而其言已出不可復救故歷言此以深責之欲使謹其後也

尹氏曰古者各以所宜木名其社非取義於木也宰我不知而妄對故夫子責之

子曰管仲之器小哉

管仲齊大夫名夷吾相桓公霸諸侯

按左傳國語史記管仲名夷吾穎上人少與鮑叔牙游鮑叔知其賢善遇之比與召忽俱爲公子糾傅襄公立鮑叔奉公子小白奔莒及襄公弑管仲與召忽奉公子糾奔魯齊人立無知既而殺之小白召自莒管仲將兵遮莒道射小白中帶鉤小白佯死管仲使馳報魯魯送糾者行益遲小白先入得立是爲桓公使鮑叔爲宰辭曰臣君之屬臣也若必治國家者則管夷吾乎臣之所弗若夷吾者五寬惠柔民弗若也治國家不失其柄弗若也忠信可結於百姓弗若也制義禮可法於四方弗若也執桴鼓立於軍門使百姓加勇弗若也公曰夷吾躬寡人中鉤是以潰於死鮑叔對曰夫爲其君勳

四書經註集證

論語卷上

五

勢而能夫是故商之子恒爲商令夫農羣萃而州處察其四
時耒耜枷芟及寒擊藁藁作藁枯草也除田以待時耕及耕
深耕易耨以待時雨時雨旣至挾其槍刈耨鎛以旦暮從事
脫衣就功首戴茅蒲身衣襍裋霑體塗足暴其髮膚盡其四
肢之敏少而習焉其心安焉不見異物而遷焉是故其父兄
之教不肅而成其子弟之學不勞而能夫是故農之于恒爲
農野處而不暇其秀民之能爲士者必足賴也桓公曰定民
之居若何管仲對曰制國以爲二十一鄉一鄉工商之鄉六士鄉
十五公帥五鄉焉國子帥五鄉焉高子帥五鄉焉參國起案
以爲三官臣立三宰工立三族市立三鄉澤立三虞山立三
衡桓公曰吾欲從事諸侯其可乎對曰未可國未安于是遂
修舊法擇其善者而業用之遂滋民與無財而敬百姓則國
安矣桓公曰國安矣可若何對曰未可君若正卒伍修甲兵
則大國亦將正卒伍修甲兵則難以速得志矣若君有攻伐之
器小國諸侯亦有守禦之備則難以速得志矣若欲速得志
於諸侯則事可以隱令可以寄政公曰若何對曰作內政而
寄軍令焉于是制國五家爲軌軌爲之長十軌爲里里有司
四里爲連連爲之長十連爲鄉鄉有良人焉以爲軍令五家
爲軌故五人爲伍軌長帥之十軌爲里故五十人爲小戎里
有司帥之四里爲連故二百人爲卒連長帥之十連爲鄉故
二千人爲旅鄉良人帥之五鄉一帥故萬人爲一軍五鄉之
帥帥之三軍故有中軍之鼓有國子之鼓有高子之鼓春以

穆振旅秋以獮治兵卒伍整於里軍旅整於郊內教既成令
勿遷徙伍之人祭祀同福死喪同恤禍災共之人與人相疇
家與家相疇世同居少同游故夜戰聲相聞足以不乖其戰
目相視足以相識其歡欣足以相死居同樂行同和死同哀
守則同固戰則同強君有此士三萬人以方行於天下以誅
無道以屏周室天下大國之君莫之能禦也桓公曰吾欲從
事於諸侯其可乎管子對曰未可鄰國未吾親也君若欲從
事於諸侯則親鄰國審吾疆場而反其侵地正其封疆無受
其資而重爲幣帛以驟聘親於諸侯以安四鄰則四鄰之國
親我矣爲游士八十人奉之以車馬衣裘多其資幣使周游
於四方以號召天下之賢士皮幣玩好使人鬻於四方以監
其上下之所好擇其淫亂者而先征之桓公曰夫軍令則寄
諸內政矣齊國寡甲兵爲之奈何管子對曰輕過而移諸甲
兵制重罪贖以犀甲一戟輕罪贖以贛盾一戟小罪誦以金
分宥間罪索訟者三禁而不可上下坐成以束矢索訟者之
情禁之三月使審賢其辭辭定而不可上下者則訟者坐成
以束矢入于朝方聽其訟十二矢爲束美金以鑄劍戟試諸
狗馬惡金以鑄鉏夷斤揚試諸壤土甲兵大足桓公曰吾欲
南伐何主管子對曰以魯爲主反其侵地臺原姑與漆里公曰吾欲
伐何主對曰以衛爲主反其侵地臺原姑與漆里公曰吾欲
北伐何主對曰以燕爲主反其侵地柴夫吠狗四鄰大親既
反侵地正封疆地南至於餉陰西至於濟北至於河東至於

紀鄭革車八百乘擇天下之甚淫亂者而先征之萊莒徐夷
吳越一戰帥服三十一國遂南伐楚濟汝踰方城望汶山使
貢絲於周而後反荊州諸侯莫不來服西征攘白翟之地至于西河方
斬孤竹海濱諸侯莫不來服西征攘白翟之地至于西河方
舟設汴乘桴濟河至于石抗應車束馬踰太行與辟耳之谿
拘夏西服汴沙西吳南城周反非於絳獄潰諸侯莫不來服
而大朝諸侯於陽穀兵車之屬六乘車之會三諸侯甲不解
纍兵不解翳弋無弓服無矢隱武事行文道率諸侯而朝天
子桓公五年與魯桓公會於柯將盟曹沫以匕首劫桓公曰
反魯之侵地桓公許之曹沫去匕首桓公後悔欲無與魯地
而殺曹沫管仲曰夫劫許之而背信殺之愈一小快耳而棄
信於諸侯失天下之援不可乃與之二十四年魯莊公爲管
仲城私邑小穀明年狄人伐邢仲言於桓公曰戎狄豺狼不
可厭也諸夏親暱不可棄也宴安鴆毒不可懷也詩云豈不
懷歸畏此簡書簡書同惡相恤之謂也請救邢以從簡書乃
救邢二十九年桓公以諸侯之師伐楚楚子使與師言曰何
故涉吾地管仲對曰昔召康公命我先君太公曰五侯九伯
女實征之以夾輔周室賜我先君履東至于海西至于河南
至于穆陵北至于無棣爾貢包茅不入王祭不供無以縮酒
寡人是徵昭王南征而不服寡人是問楚遂盟三十三年盟
諸侯于甯母謀鄭故也仲言於桓公曰臣聞招攜以禮懷遠
以德德禮不易無人不懷桓公乃修禮於諸侯諸侯官受方

物鄭使太子華聽命於會子華請去洩氏孔氏子人氏三族而以鄭屬齊桓公將許之仲曰君以禮與信屬諸侯而以奸終之母乃不可乎子父不好之謂禮守命共時之謂信違此二者奸莫大焉君若緩之以德加之以訓辭而率諸侯以討鄭鄭將覆亡之不暇豈敢不懼若總其罪人以臨之鄭有詞矣何懼且夫合諸侯以崇德也會而列奸何以示後嗣桓公乃辭焉三十五年桓公會諸侯於葵丘王使宰孔賜胙曰無下拜桓公召管仲謀對曰爲君不君爲臣不臣亂之本也桓公懼乃下拜受賜桓公欲封泰山禪梁父管仲固諫不聽乃說以遠方珍怪物至乃得封桓公乃止三十八年桓公使管仲平戎於王王以上卿之禮享管仲仲辭曰臣賤有司也有天子之二守國高在若節春秋來承王命何以禮焉乃受下卿之禮而還四十一年管仲疾桓公問曰羣臣誰可相者對曰知臣莫若君公曰易牙何如對曰殺子以適君非人情不可公曰開方何如對曰倍親以適君非人情難近公曰豎刁何如對曰自宮以適君非人情難親公不果用其言管仲相桓公久且專以區區之齊在海濱通貨積財富國強兵與俗同好惡故其言曰倉廩實而知禮節衣食足而知榮辱上服度則六親固四維不張國乃滅亡下令如流水之源令順民心故論卑易行仲既卒子孫世祿於齊有封邑者十餘世

器小言其不知聖賢大學之道故局量褊淺規模卑狹不能正

身脩德以致主於王道

或曰管仲儉乎曰管氏有三歸官事不攝焉得儉焉於

或人蓋疑器小之爲儉三歸臺名事見說苑

劉向說苑善說篇桓公立仲父致大夫曰善吾者入門而右不善吾者入門而左有中門而立者公問焉對曰管仲之知可與謀天下其強可以取天下君恃其信乎內政委焉外事斷焉驅民而歸之是亦可奪也桓公曰善乃謂管仲政則卒歸於子矣政之所不及唯子是匡管仲故築三歸之臺以自傷於民五經異義天子有三臺靈臺以觀天文時臺以觀四時圓臺以觀鳥獸魚鼈諸侯無靈臺惟有時臺圓臺而已管仲作臺儉也漢書地理志師古註三歸三姓之女國策東周篇齊桓公宮中女市女問七百國人非之管仲故爲三歸之家以掩桓公非自傷於民也鮑彪註曰婦人謂嫁曰歸夫家曰家蓋三娶女也論語類考一統志云三歸臺在東平州東阿縣西二里然今之東阿縣卽古阿邑臨淄去阿遠管仲相齊豈築臺于遠地若以阿爲管仲采邑考之春秋則阿乃衛邑齊桓公與魯莊公同時莊公六傳而爲襄公左傳襄公十四年孫林父敗衛侯于阿則是時阿尙屬衛其後齊威王烹阿大夫乃衛亡之後也管仲豈築臺于衛地故知東阿三歸

為妄漢書劉向傳字子政本名更生後名向成
帝時采傳記行事著新序說苑凡五十篇奏之

攝兼也家臣不能具官一人常兼數事

禮禮運大夫具官祭器
不假聲樂皆具非禮也

管仲不然皆言其侈

然則管仲知禮乎曰邦君樹塞門管氏亦樹塞門邦君為兩君之

好有反玷管氏亦有反玷管氏而知禮孰不知禮好去聲玷

禮郊特牲臺門而旅樹反玷大夫之僭禮也雜記管仲饗簋
而朱紱旅樹而反玷山節而藻稅賢大夫也而難為上也

或人又疑不儉為知禮屏謂之樹塞猶蔽也設屏於門以蔽內

外也

禮緯含文嘉禮天子外屏諸侯內屏大夫以簾士以帷外屏
設于門外內屏設于門內大夫士設于庭也爾雅釋官屏謂
之樹疏云樹立也立牆當門以
自蔽也趙氏曰小牆當門中也

好謂好會

〔史記〕孔子世家齊使使告魯爲好會會于夾谷〔通鑑〕周赧王三十六年秦王告趙王願爲好會于河外渰池

坵在兩楹之間獻酬飲畢則反爵於其上

〔古〕注圖說坵以木爲之高八寸足高二寸漆赤中趙氏曰古者諸侯與鄰國爲好會主君獻賓賓筵前受爵飲畢反此爵於坵上於西階上拜主人於阼階上答拜賓於坵上取爵洗爵以酢主人主人受爵既畢反此爵於坵上主人阼階上拜賓答拜是賓主飲畢反爵於坵也大夫則無之〔慈溪〕黃氏曰〔抄〕鄭氏謂坵在兩楹之間反爵其上按今世釋奠反爵乃以四方板而圍坎其中或云此反坵之餘制然坵字從土而云在兩楹間豈常設之者與按郊特牲臺門而旅樹反坵雜記旅樹而反坵鄭氏亦以樹爲屏以反坵爲反爵之地然內則載間食之制云士於坵明堂位載朝會之制云反坵出尊崇坵康圭士虞禮載苴茅之制云饌於西坵上是則累土而爲之者皆可名坵而坵亦有東西南北之不同非必反爵之處也如臺門而旅樹反坵當是立反坵於臺門之內如今行在所之騏驥院牛羊司與凡營壘都於臺門內立土牆之類與鄭氏之釋反坵皆本論語其指坵爲反爵皆本好之一字意兩君之好爲飲酒故耳然以坵之反爲爵之反似異於經文

又按汲冢周書云乃立五宮咸有四阿反玷註云反玷外向
室也則反玷又非反爵之地反主玷言非主爵言也反玷向
外之名玷殆別設大門屏之名豈兩君之好必欲容其儀衛
之衆而爲此向外之室與世遠不可知若据郊特牲以反玷
與臺門相連汲冢書以反玷與四阿相連則論語以反玷與
樹塞門相連恐均爲宮室僭侈之事也按此說與注異存參
禮檀弓夢坐奠於兩楹之間朱子全書雜儀篇堂之上東西
有楹註云楹柱也古之築室者以垣墉爲基而屋其上惟堂
上有兩楹而已楹之設蓋於前楣之下楣侏儒柱在梁之上
則楹在楣之下又云堂東西之中曰兩楹間獻酬詳中庸
說文爵鳥名象其形爲酌酒器取其能飛而不溺于酒因以
寓倣戒夏曰玆盞商曰斚周曰爵其取象也各有義玆從戈
故三足象戈斚戒喧故二口作喧爵則象雀之形蓋爵之字
通于雀雀小者之道下順而上逆也僂而啄仰而四顧其慮
患也深今攷爵制前若喙後若尾足修而銳形若戈然兩柱
爲耳凡觴一升曰爵二升曰觚三升曰觶四升曰角五升曰
散是爵于飲器
爲特小者也

此皆諸侯之禮而管仲僭之不知禮也

愚謂孔子譏管仲之器小其旨深矣或人不知而疑其儉故斥

其奢以明其非儉或又疑其知禮故又斥其僭以明其不知禮
蓋雖不復明言小器之所以然而其所以小者於此亦可見矣
故程子曰奢而犯禮其器之小可知蓋器大則自知禮而無此
失矣此言當深味也蘇氏曰自脩身正家以及於國則其本深
其及者遠是謂大器

宋史列傳蘇軾字子瞻眉山人生十年父洵游學四方
母程氏親授以書問古今成敗輒能語其要比冠博通經史
作文日數千言嘉祐二年歐陽修考試禮部進士梅堯臣時
與其事得軾論刑賞以示修修驚喜以爲異人欲以冠多士
疑門生曾鞏所爲乃寘第二復以春秋時義居第一殿試中
乙科後頗譏切時事王安石恨之由是得罪以黃州團練副
使安置軾幅巾芒屨與田夫野老相從溪谷之間築室於東
坡自號東坡居士紹聖元年復安置惠州又移昌化軍徽宗
立赦歸至常州建中靖國元年卒年六十六所著有易傳論
語說書傳東坡集四十卷後集二十卷奏議十五卷內制十
卷外制三卷
和陶詩四卷

揚雄所謂大器猶規矩準繩先自治而後治人者是也

揚子法言或曰齊得夷吾而伯仲尼曰器小請問大器曰大器其虧規矩準繩乎先自治而後治人之謂大器

管仲三歸反玷桓公內嬖六人而霸天下其本固已淺矣

左傳僖公十七年齊侯好內多內寵內嬖如夫人者六人

管仲死桓公薨天下不復宗齊

按春秋僖公十六年冬十二月經書公會齊侯宋公陳侯衛侯鄭伯許男邢侯曹伯於淮傳曰謀鄭且東略也猶書齊爲主明年桓公卒齊亂至十九年冬經書會陳人蔡人楚人邾人盟于齊傳曰修桓公之好也時孝公立已踰年諸侯思桓公之德而爲是盟乃不以齊爲主至二十一年春宋齊楚盟于鹿上亦不以齊爲主可知天下不復宗齊

楊氏曰夫子大管仲之功而小其器蓋非王佐之才雖能合諸

侯正天下其器不足稱也道學不明而王霸之略混爲一途故

聞管仲之器小則疑其爲儉以不儉告之則又疑其知禮蓋世

方以詭遇爲功而不知爲之範則不悟其小宜矣

子語魯大師樂曰樂其可知也始作翕如也從之純如也皦如也

繹如也以成

語去聲大音泰從音縱

語告也大師樂官名

周禮春官太師掌六律六同以合陰陽之聲教六詩大祭祀率瞽登鼓令奏擊拊下管播樂器令奏鼓鞀音引大磬亦如之大射率瞽而歌射節大師執同律以聽軍聲而詔吉凶大喪率瞽而厥作厲諡凡國之瞽矇正焉按大師疑卽摯也時音樂廢缺故孔子教之翕合也從放也純和也皦明也繹相續不絕也成樂之一終也

論語類考孔安國云成樂曲終也每曲一終必變更奏故書言九成傳言九奏周禮言九變其實一也樂記謂武樂六成而陳氏樂書卽云文樂九成武樂六成竊疑六成乃樂之小成而九成其大成也

謝氏曰五音六律不具

詳孟子離婁

不足以爲樂翕如言其合也五

音合矣清濁高下如五味之相濟而後和故曰純如

左傳昭公二十年晏子曰和如羹焉水火醯醢鹽梅以烹魚肉燂之以薪宰夫和之齊之以味濟其不及以洩其過君子食之以平其心故詩曰亦有和羹先王之濟五味和五聲也以平其心成其政也聲亦如味一氣二體三類四物五聲六律七音八風九歌以相成也清濁小大短長疾徐哀樂剛柔遲速高下出入周疏以相濟也君子聽之以平其心心平德和故詩曰德音不瑕

合而和矣欲其無相奪倫

書舜典八音克諧無相奪倫

故曰皦如然豈宮自

宮而商自商乎不相反而相連如貫珠

禮樂記累累乎端如貫珠

可也故曰

繹如也以成

儀封人請見曰君子之至於斯也吾未嘗不得見也從者見之出

曰二三子何患於喪乎天下之無道也久矣天將以夫子為木鐸

請見見之之見賢
通反從喪皆去聲

儀衛邑封人掌封疆之官蓋賢而隱於下位者也

四書釋地儀邑城在今河南開封府蘭陽縣西北二十里乃衛西南境距其國五百里按明一統志蘭陽縣有儀城古蹟卽請見孔子處又儀封縣亦屬開封府在府城東北一百十五里亦云春秋時衛邑封人請見處元始置縣以地考之去蘭陽甚近周禮地官封人掌設王之社壇爲畿封而樹之凡封國設其社稷之壇封其四疆造都邑之封域者亦如之按夏官有掌疆之官註云掌封疆之界故名其官然則天子封人專主封國造邑之事而固守邊界則自有掌疆職之諸侯封人無封國事則專任守疆之責也儀封人姓名不傳國邑紀云儀之封人也或曰封人儀姓族出晉陽徐有儀楚陳有儀行父云此說附參

君子謂當時賢者至此皆得見之自言其平日不見絕於賢者而求以自通也見之謂通使得見喪謂失位去國禮曰喪欲速貧是也

禮檀弓有子問於曾子曰聞喪於夫子乎曰聞之矣喪欲速貧死欲速朽

木鐸金口木舌施政教時所振以警衆者也

按邢昺曰金鈴木舌朱子則云金口木舌蓋鐸音出於口說文鐸大鈴也是鐸乃鈴之別名木鐸乃金口木舌之鈴也釋名鐸度也號令之限度也類考鐸有金鐸有木鐸金鐸以振武事惟司馬行軍執之木鐸以振文事其用最廣禮檀弓執木鐸以徇於宮徇行示之也所以示耐禮也明堂位振木鐸於朝所以示麻禮也月令仲春奮木鐸以令兆民所以儆昏禮也書胤征序歲孟春道人以木鐸徇于路道人宣令之官所以敷令也周禮天官小宰正歲觀治象之法徇以木鐸宮正春秋以木鐸修火禁地官小司徒正歲觀教象之法徇以木鐸鄉師凡四時之徵令有常者以木鐸徇於市朝秋官小司寇正歲帥其屬而觀刑象令以木鐸士師掌國五禁之法皆以木鐸徇之於朝司徒鄉師教官之屬小司寇士師司烜刑官正治官之屬小司徒鄉師教官之屬小司寇士師司烜刑官之屬刑以弼教教以明禮禮以出治此之謂文事也故皆用木鐸焉

言亂極當治天必將使夫子得位設教不久失位也封人一見夫子而遽以是稱之其所得於觀感之間者深矣或曰木鐸所

以徇於道路言天使夫子失位周流四方以行其教如木鐸之徇於道路也

子謂韶盡美矣又盡善也謂武盡美矣未盡善也

韶舜樂

書益稷夏擊鳴球搏拊琴瑟以詠祖考來格虞賓在位羣后德讓下管鼗鼓合止祝敔笙簫以閑鳥獸踴躍蕭韶九成鳳凰來儀於子擊石拊石百獸率舞庶尹允諧漢書樂志舜作大韶韶紹也言舜之道德繼紹夫堯也

武武王樂

樂苑文王樂名巨業武王樂名象武周禮大司樂以樂舞教國子舞雲門大卷大咸大磬大夏大濩大武乃奏無射歌夾鐘舞大武以享先祖禮樂記賓牟賈侍坐於孔子孔子與之言及樂曰夫武之備戒之已久何也對曰病不得其眾也咏嘆之淫液之何也曰恐不逮事也發揚蹈厲之已早何也曰及時事也武坐致右憲左舞者有時跪右膝至地而左足事起何也曰非武坐也聲淫及商何也曰非武音也子曰若非武音則何音也對曰有司失其傳也若非有司失其傳則武

王之志荒矣子曰丘之聞諸萇宏亦若吾子之言是也賓牟賈起免席而請曰夫武之備戒之已久則既聞命矣敢問遲之遲而又久何也子曰居吾語女夫樂者象成者也總干而山立武王之事也發揚蹈厲太公之志也武亂皆坐周召之治也且夫武始而北出再成而滅商三成而南四成而南國是疆五成而分周公左召公右六成復綴以崇天子夾振之而駟伐盛威於中國也分夾而進事蚤濟也久立於綏以待諸侯之至也則武之遲久不亦宜乎左傳宣公十二年楚子曰武王克商作武其卒章曰耆定兩功其三曰敷時釋思我祖維求定其六曰綏萬邦屢豐年夫武禁暴戢兵保大定功安民和衆豐財者也故使子孫毋忘其章襄公二十九年吳公子札來聘請觀於周樂見舞大武者曰美哉周之盛也其若此乎

美者聲容之盛

禮樂記詩言其志也歌永其聲也舞動其容也三者本於心然後樂器從之

善者美之實也舜紹堯致治武王伐紂救民其功一也故其樂

皆盡美

舜堯紂並詳大學武王詳亂臣章

然舜之德性之也又以揖遜而有天

下武王之德反之也又以征誅而得天下故其實有不同者

程子曰成湯放桀惟有慝德

書仲虺之誥成湯放桀于南巢惟有慝德曰予恐來世以台爲口實

武王亦然故未盡善堯舜湯武其揆一也征伐非其所欲所遇之時然爾

子曰居上不寬爲禮不敬臨喪不哀吾何以觀之哉

居上主於愛人故以寬爲本爲禮以敬爲本臨喪以哀爲本旣無其本則以何者而觀其所行之得失哉

里仁第四

凡二十六章

子曰里仁爲美擇不處仁焉得知

處上聲焉於虔反知去聲

周禮秋官遂人五家爲鄰五鄰爲里廣雅八家爲鄰三鄰爲朋三朋爲里風俗通五家爲軌十軌爲里里者止也五十家共居止也輿地捃綱里之爲言止也衆所止也

里有仁厚之俗爲美擇里而不居於是焉則失其是非之本心而不得爲知矣

子曰不仁者不可以久處約不可以長處樂仁者安仁知者利仁

樂音洛知去聲

約窮困也利猶貪也蓋深知篤好而必欲得之也不仁之人失其本心久約必濫久樂必淫惟仁者則安其仁而無適不然知

者則利於仁而不易所守蓋雖深淺之不同然皆非外物所能奪矣

謝氏曰仁者心無內外遠近精粗之間非有所存而自不亡非有所理而自不亂如目視而耳聽手持而足行也知者謂之有所見則可謂之有所得則未可有所存斯不亡有所理斯不亂未能無意也安仁則一利仁則二安仁者非顏閔以上去聖人爲不遠不知此味也諸子雖有卓越之才謂之見道不惑則可然未免於利之也

子曰惟仁者能好人能惡人

好惡皆去聲

惟之爲言獨也蓋無私心然後好惡當於理程子所謂得其公正是也

伊川論語說惟仁者能好人能惡人得其公正也

游氏曰好善而惡惡天下之同情然人每失其正者心有所繫而不能自克也惟仁者無私心所以能好惡也

子曰苟志於仁矣無惡也

惡如字

苟誠也志者心之所之也其心誠在於仁則必無爲惡之事矣楊氏曰苟志於仁未必無過舉也然而爲惡則無矣

子曰富與貴是人之所以欲也不以其道得之不處也貧與賤是人之所以惡也不以其道得之不去也

惡去聲

不以其道得之謂不當得而得之然於富貴則不處於貧賤則不去君子之審富貴而安貧賤也如此

君子去仁惡乎成名

惡平聲

言君子所以爲君子以其仁也若貪富貴而厭貧賤則是自離其仁而無君子之實矣何所成其名乎

君子無終食之間違仁造次必於是顛沛必於是造七到反沛音貝

終食者一飯之頃禮文王世子文王一飯亦一飯造次急遽苟

且之時顛沛傾覆流離之際

左傳成公十三年傾覆我社稷註傾危覆滅也詩邶風碩兮尾兮流離之子集傳流離漂散也

蓋君子之不去乎仁如此不但富貴貧賤取舍之間而已也

言君子爲仁自富貴貧賤取舍之間以至於終食造次顛沛之頃無時無處而不用其力也然取舍之分明然後存養之功密存養之功密則其取舍之分益明矣

子曰我未見好仁者惡不仁者好仁者無以尙之惡不仁者其爲

仁矣不使不仁者加乎其身

好惡皆去聲

夫子自言未見好仁者惡不仁者蓋好仁者真知仁之可好故天下之物無以加之惡不仁者真知不仁之可惡故其所以爲仁者必能絕去不仁之事而不使少有及於其身此皆成德之事故難得而見之也

有能一日用其力於仁矣乎我未見力不足者

言好仁惡不仁者雖不可見然或有人果能一旦奮然用力於仁則我又未見其力有不足者蓋爲仁在已欲之則是而志之所至氣必至焉故仁雖難能而至之亦易也

蓋有之矣我未之見也

蓋疑辭有之謂有用力而力不足者蓋人之氣質不同故疑亦

容或有此昏弱之甚欲進而不能者但我偶未之見耳蓋不敢終以爲易而又歎人之莫肯用力於仁也

此章言仁之成德雖難其人然學者苟能實用其力則亦無不可至之理但用力而不至者今亦未見其人焉此夫子所以反覆而歎息之也

子曰人之過也各於其黨觀過斯知仁矣

黨類也程子曰人之過也各於其類君子常失於厚小人常失於薄君子過於愛小人過於忍尹氏曰於此觀之則人之仁不仁可知矣

吳氏曰後漢吳祐謂掾以親故受汙辱之名所謂觀過知仁是也

後漢列傳吳祐字季英陳留長垣人也順帝時以光祿四行遷膠東侯相政惟仁簡以身率物民有爭訴者輒閉閣自責然後斷其訟以道譬之或身到問里重相和解自是之後爭隙省息吏人懷而不欺嗇夫孫性私賦民錢市衣以進其父父得而怒口有君如此何忍欺之促歸伏罪性慚懼詣閣持衣自首祐屏左右問其故性具談父言祐曰掾以親故受汗辱之名所謂觀過斯知仁矣使歸謝其父還以衣遺之玉篇掾公府掾史也後漢百官志公府掾比古元士三命者也六書故掾乃屬官通稱

愚按此亦但言人雖有過猶可卽此而知其厚薄非謂必俟其有過而後賢否可知也

子曰朝聞道夕死可矣

道者事物當然之理苟得聞之則生順死安無復遺恨矣朝夕所以甚言其時之近

程子曰言人不可以不知道苟得聞道雖死可也又曰皆實理

也人知而信者爲難死生亦大矣

晉王羲之蘭亭記序古人非云死生亦大矣豈不痛哉

誠有所得豈以夕死爲可乎

子曰士志於道而恥惡衣惡食者未足與議也

心欲求道而以口體之奉不若人爲恥其識趣之卑陋甚矣何足與議於道哉

程子曰志於道而心役乎外何足與議也

子曰君子之於天下也無適也無莫也義之與比

適丁歷反比必二反

適專主也春秋傳曰吾誰適從是也

左傳僖公五年初晉侯使士爲爲二公子築蒲與屈不愼置薪焉夷吾訴之公使讓之士爲稽首而對曰三年將尋師焉焉用愼退而賦曰狐裘龍茸一國三公吾誰適從

莫不肯也比從也

謝氏曰適可也莫不可也無可無不可苟無道以主之不幾於

猖狂自恣乎

莊子山木篇猖狂妄行而蹈乎大方

此老佛之學所以自謂心無所

住而能應變

金剛經應無所住而生其心

而卒得罪於聖人也聖人之學不

然於無可無不可之間有義存焉然則君子之心果有所倚乎

子曰君子懷德小人懷土君子懷刑小人懷惠

懷思念也懷德謂存其固有之善懷土謂溺其所處之安懷刑

謂畏法懷惠謂貪利君子小人趣向不同公私之間而已矣

尹氏曰樂善惡不善所以爲君子苟安務得所以爲小人

子曰放於利而行多怨

放上聲

孔氏曰

漢書儒林傳孔氏有古文尙書孔安國以今字讀之因以起其家逸書得十餘篇蓋尙書茲多于是矣遭巫蠱未立於學

官安國爲諫議大夫授都尉朝而司馬遷亦從安國問故遷
書載堯典禹貢洪範微子金縢諸篇多古文說孔子傳孔子
十二世孫安國以治尚書
爲武帝博士至臨淮太守

放依也多怨謂多取怨

程子曰欲利於己必害於人故多怨

子曰能以禮讓爲國乎何有不能以禮讓爲國如禮何

讓者禮之實也何有言不難也言有禮之實以爲國則何難之
有不然則其禮文雖具亦且無如之何矣而況於爲國乎

子曰不患無位患所以立不患莫己知求爲可知也

所以立謂所以立乎其位者可知謂可以見知之實

程子曰君子求其在己者而已矣

子曰參乎吾道一以貫之曾子曰唯

參所金反
唯上聲

參乎者呼曾子之名而告之貫通也唯者應之速而無疑者也
聖人之心渾然一理而泛應曲當用各不同曾子於其用處蓋
已隨事精察而力行之但未知其體之一爾夫子知其真積力
久

荀子勸學篇真積力久則入注真誠也
力力行也誠積力久則能入於學也

將有所得是以呼而告之曾子果能默契其指卽應之速而無
疑也

子出門人問曰何謂也曾子曰夫子之道忠恕而已矣

盡己之謂忠推己之謂恕而已矣者竭盡而無餘之辭也夫子
之一理渾然而泛應曲當譬則天地之至誠無息而萬物各得
其所也自此之外固無餘法而亦無待於推矣曾子有見於此

而難言之故借學者盡已推己之目以著明之欲人之易曉也
蓋至誠無息者道之體也萬殊之所以一本也萬物各得其所
者道之用也一本之所以萬殊也

通書理性命篇二氣五行化生萬物五殊二實二本則一是
萬爲一一實萬分萬一各正大小有定註自其末以緣本則
五行之異本二氣之實二氣之實又本一理之極是合萬物
言之爲一太極也自其本而之末則一理之實而萬物分之
以爲體故萬物之中各有一太極而小大
之物莫不有一定之分也集註意本此

以此觀之一以貫之之實可見矣或曰中心爲忠如心爲恕於
義亦通

周禮地官智仁聖義忠和孔正義中心曰忠中下從心謂言
出於心皆有忠實也說文長箋如心曰恕於六書爲會意

程子曰以己及物仁也推己及物恕也違道不遠是也忠恕一
以貫之忠者天道恕者人道忠者無妄恕者所以行乎忠也忠

者體恕者用大本達道也此與違道不遠異者動以天爾又曰

維天之命於穆不已忠也乾道變化各正性命恕也

乾卦彖辭乾道變化

各正性命保合太和

又曰聖人教人各因其才吾道一以貫之唯曾子為

能達此孔子所以告之也會子告門人曰夫子之道忠恕而已矣亦猶夫子之告曾子也中庸所謂忠恕違道不遠斯乃下學

上達之義

朱彝尊曝書亭集與胡解元書歐陽子曰受業者為弟子受業於弟子者為門人論語為孔子而作所云門人皆受業於弟子者也顏淵死門人厚葬之此顏子之弟子也子出門人問此曾子之弟子也子疾病子路使門人為臣又門人不敬子路此子路之弟子也子夏之門人問交於子張此子夏之弟子也孟子門人治任將歸入揖於子貢此子貢之弟子也孔子曰自吾得回而門人日親回無繇之子本門人也而列為弟子此門人所以日親也孔子既歿門人疑所以服禮弟子之於師心喪三年無可疑也疑所以服者門人之服也東漢孔佃碑陰有門生復有弟子此門生弟子之別也

子曰君子喻於義小人喻於利

喻猶曉也義者天理之所宜利者人情之所欲

程子曰君子之於義猶小人之於利也唯其深喻是以篤好楊氏曰君子有舍生而取義者以利言之則人之所欲無甚於生所惡無甚於死孰肯舍生而取義哉其所喻者義而已不知利之爲利故也小人反是

子曰見賢思齊焉見不賢而內自省也

省悉井反

思齊者冀已亦有是善內自省者恐已亦有是惡

胡氏曰見人之善惡不同而無不反諸身者則不徒羨人而甘自棄不徒責人而忘自責矣

子曰事父母幾諫見志不從又敬不違勞而不怨

此章與內則之言相表裏

禮內則父母有過下氣怡色柔聲以諫諫若不入起敬起孝說則復諫不說與其得罪於鄉黨州閭寧孰諫父母怒不說而撻之流血不敢疾怨起敬起孝

幾微也微諫所謂父母有過下氣怡色柔聲以諫也

禮坊記從命不忿微諫不倦勞而不怨可謂孝矣

見志不從又敬不違所謂諫若不入起敬起孝悅則復諫也勞而不怨所謂與其得罪於鄉黨州閭寧孰諫父母怒不悅而撻之流血不敢疾怨起敬起孝也

子曰父母在不遠遊遊必有方

遠遊則去親遠而爲日久定省曠而音問疎不惟已之思親不置亦恐親之念我不忘也

禮曲禮凡爲人子之禮冬溫而夏清昏定而晨省

遊必有方如已告云之東則不敢更適西欲親必知已之所在而無憂召已則必至而無失也

禮曲禮爲人子者出必告反必面所遊必有常所習必有業玉藻親老出不易方復不過時

范氏曰子能以父母之心爲心則孝矣

子曰三年無改於父之道可爲孝矣

胡氏曰已見首篇此蓋複出而逸其半也

子曰父母之年不可不知也一則以喜一則以懼

知猶記憶也常知父母之年則既喜其壽又懼其衰而於愛日之誠自有不能已者

揚雄法言事父母自知不足者其舜乎不可得而久者事親之謂也孝子愛日

子曰古者言之不出恥躬之不逮也

言古者以見今之不然逮及也行不及言可恥之甚古者所以不出其言爲此故也

范氏曰君子之於言也不得已而後出之非言之難而行之難也人惟其不行也是以輕言之言之如其所行行之如其所言則出諸其口必不易矣

子曰以約失之者鮮矣

鮮上聲

謝氏曰不侈然以自放之謂約尹氏曰凡事約則鮮失非止謂儉約也

子曰君子欲訥於言而敏於行

行去聲

謝氏曰放言易故欲訥力行難故欲敏

胡氏曰自吾道一貫至此十章疑皆曾子門人所記也

子曰德不孤必有鄰

鄰猶親也

按周禮地官大司徒五家爲比秋官遂人云五家爲鄰比則親之至鄰則相鄰近也又通鑑外紀黃帝以井一爲鄰鄰二爲朋晉書堯制八家爲鄰三鄰爲朋此鄰字與前里仁章里字諸說不一蓋歷代之制或不同備載之者聊以廣所聞耳然孔子周人從時王制當遵朱子子華使齊章註本遂人之文作解爲正

德不孤立必以類應故有德者必有其類從之如居之有鄰也

子游曰事君數斯辱矣朋友數斯疏矣

數色角反

程子曰數煩數也胡氏曰事君諫不行則當去導友善不納則當止至於煩瀆則言者輕聽者厭矣是以求榮而反辱求親而反疏也范氏曰君臣朋友皆以義合故其事同也